



Broj : 10/E-11- 934 /25
Sarajevo: 13.02.2025 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), a u skladu sa zahtjevom Kabineta općinskog načelnika od 07.02.2025. godine i dopisom Agencije za državnu službu Federacije Bosne i Hercegovine, broj: 04-30-7-137-21/25 od 14.01.2025. godine, Opštinski načelnik d o n o s i :

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se troškovi za usluge Sistema stručnog usavršavanja za jedinice lokalne samouprave, a koje se mogu nabaviti od Agencije za državnu službu Federacije Bosne i Hercegovine.

Član 2.

Procijenjena vrijednost usluga iz člana (1) ove Odluke bez PDV-a iznosi 3.088,00 KM, a sredstva su planirana u Budžetu Općine Centar Sarajevo za 2025. godinu, na budžetskom kontu: 613920. JRJN: 80500000-9 Usluge obuke.

Član 3.

Dokazi za provođenje predmetne nabavke je Odluka Vlade Federacije Bosne i Hercegovine („Službene novine Federacije BiH“, broj 50/14), akt Agencije za državnu službu FBiH broj: 04-30-7-137-21/25 od 14.01.2025. godine, na ime sufinansiranja Godišnjeg programa stručnog usavršavanja za jedinice lokalne samouprave (2025) u Federaciji Bosne i Hercegovine, te će se na osnovu istih izvršiti uplata.

Član 4.

Ova Odluka odluka stupa na snagu danom donošenja, i ista će biti objavljena na web stranici Općine Centar Sarajevo.

O b r a z l o ž e n j e

Na osnovu zahtjeva Kabineta općinskog načelnika od 07.02.2025. godine u vezi donošenja odluke o izuzeću za troškove usluga Sistema stručnog usavršavanja za jedinice lokalne samouprave, na osnovu Odluke Vlade Federacije Bosne i Hercegovine („Službene novine Federacije BiH“, broj 50/14), akta Agencije za državnu službu FBiH broj: 04-30-7-137-21/25 od 14.01.2025. godine na ime sufinansiranja Godišnjeg programa stručnog usavršavanja za jedinice lokalne samouprave u Federaciji Bosne i Hercegovine, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;
- b) ta saradnja uspostavljena isključivo na osnovu potreba vezanih uz javni interes;

- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.

Predmetne usluge se mogu obezbijediti od Agencije za državnu službu Federacije Bosne i Hercegovine, te je konstatovano da je ista pravno lice - ugovorni organ, čiji je osnivač Vlada Federacije Bosne i Hercegovine; da se između ugovornih organa ostvaruje saradnja s ciljem osiguravanja javne usluge kojima se ostvaruju njihovi zajednički ciljevi; da je saradnja uspostavljena isključivo na osnovu potreba vezanih uz javni interes, i da ugovorni organi ostvaraju na otvorenom tržištu manje od 20% djelatnosti na koje se odnosi saradnja. Naime, Vlada Federacije Bosne i Hercegovine je donijela odluku o osiguranju finansijske održivosti obuke za zaposlenike i izabrane zvaničnike u jedinicama lokalne samouprave Federacije Bosne i Hercegovine i utvrdila sufinansiranje prioriternih programa stručnog usavršavanja koje na godišnjem nivou odobrava Koordinaciono tijelo za obuku jedinica lokalne samouprave u Federaciji Bosne i Hercegovine (KTO), u skladu sa odredbama člana 4. stav (2) Uredbe o stručnom usavršavanju u organima državne službe u Federaciji BiH. Novčana sredstva u iznosu od 3.088,00 KM su utvrđena Modelom finansijske samoodrživosti, a na osnovu ulaznih parametara automatski računa izdvajanja za jedinice lokalne samouprave.

Za praćenje i realizacije ove Odluke zadužen je Kabinet općinskog načelnika.

Analizirajući predmetni zahtjev, utvrđeno je da su ispunjene pretpostavke za realizaciju navedenih aktivnosti, odnosno da su finansijska sredstva za ove namjene obezbijeđena u Budžetu Općine Centar za 2024. godinu, na budžetskom kontu: 613920.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



Dostaviti:

1. Kabinetu općinskog načelnika
2. Kabinetu općinskog načelnika – Odsjeku za javne nabavke
3. Službi za finansije
4. Evidenciji